

KINGDOM WOK BLONG YUMI

OKTOBA 2012

WIK WE I STAT LONG 8 OKTOBA

Singsing 75 Mo Prea

❑ Baebol Stadi Blong Kongregesen:

gt japta 109 (30 minit)

❑ Skul Blong Trenem Yumi Blong Tij:

Baebol riding: Daniel 7:9 (10 minit)

N. 1: Daniel 7:13-22 (no bitim 4 minit)

N. 2: ?Baebol i Talem Se Oi Tru Kristin Oli Wok Folem Plan?—rs-E pej 282 ¶1-4; rs-F pej 271 ¶3—pej 272 ¶3 (5 minit)

N. 3: ?Wanem Oi Samting We Oli Soemaot Se Jehova i No Save Lego Yumi?—Rev. 15:4, NW; 16:5, NW (5 minit)

❑ Miting Blong Kingdom Wok:

Singsing 133

10 minit: Sipos Wan Man i Talem Se 'Mi Mi Bisi.' Tok wetem sam kwestin mo ansa we i stanap long smol buk ya *Statem Wan Storian*, pej 14 haf 8 kasem pej 15 haf 7. Yu tokbaot sam long ol ansa we i stap long smol buk ya, mo sam narafala ansa we i wok gud long ples blong yumi. Askem long tu pablisa blong tufala i soemaot tu rod blong ansa long man we i talem tok ya.

10 minit: ?Yumi Lanem Wanem? Tok wetem sam kwestin mo ansa. Askem long wan man blong i ridim Matiu 21:12-16 mo Luk 21:1-4. Nao, yu tokbaot ol samting we yumi lanem long ol vas ya.

10 minit: ?Yu Yu Save Prij Long Sapa?" Kwestin mo ansa. Long haf 2, yu askem long ol pablisa blong oli talem sam stori we i mekem olgeta oli harem gud taem oli prij long sapa.

Singsing 92 Mo Prea

?Yu Yu Save Prij Long Sapa?

¹ Wan buk (*Daily Life in Bible Times*) i talem se aposol Pol i prij long ol haos wanwan "stat long 4 klok long sapa kasem let long naet." Yumi no save sipos Pol i plan blong mekem olsem, be yumi save se hem i glad blong "mekem ol samting ya from gud nius." (1 Kor. 9:19-23) Mo he-

1. Folem samting we wan buk i talem, ?wetaem Pol i prij long ol haos wanwan?

mia i min se hem i finisim ol wok we hem i mas mekem, blong i save go prij long taem we man i stap long haos.

² Long plante ples, ol pablisa oli prij long ol haos wanwan long moning. ?Be long ples blong yu, wetaem i beswan taem blong prij? Wan paeenia i tokbaot teritori we hem i prij long hem, i se: "I had blong fainem ol man long haos blong olgeta long dei. Be bighaf blong ol man oli stap long haos long sapa." Maet i wan gudfala janis blong talemaot gud nius long ol man, taem yumi prij long sapa. Plante taem ol man oli no bisi long taem ya, mo oli glad blong storian. **Sipos i oraet blong mekem olsem, ol elda oli save mekem plan blong gat ol miting blong prij long sapa.**

³ **Yu Mas Gat Fasin Luksave:** Taem yu prij long sapa, i impoten we yu gat fasin luksave. Sipos yu wantem toktok long wan man, be maet i no wan stret taem from we hem i stap kakae, i moa gud yu talem long hem se bambae yu kambak long wan narafala taem. Sipos ples i tudak, yu mas stanap long ples we man blong haos i save luk yu klia, mo yu talemaot kwiktaem se yu yu hu, mo yu kam blong mekem wanem. I waes blong yu prij wetem wan narafala pablisa, no yu joen wetem wan grup blong prij long sapa. Mo i gud we yufala i prij long ol ples we i gat laet long rod, olsemia yufala i no stap yufala nomo. Yufala i no mas prij let long naet, nao yufala i spolem ol man we oli rere blong slip. (2 Kor. 6:3) Sipos wan ples i no sef blong prij long hem long naet, i gud yufala i go prij long ples ya taem i delaet yet.—Prov. 22:3.

⁴ **Ol Blesing:** Bambae yumi harem gud moa long wok blong prij, sipos yumi fainem man long haos blong hem, mo yumi toktok long hem. Moa we yumi prij long ol man, moa we yumi gat janis blong givhan long olgeta blong 'God i sevem olgeta, mo oli save trutok blong hem.' (1 Tim. 2:3, 4) ?Olsem wanem? ?Yu yu save jenism program blong yu, blong yu save prij long sapa?

2. ?From wanem i gud blong prij long sapa?
3. ?Yumi soemaot fasin luksave olsem wanem taem yumi prij long sapa?
4. ?Wanem ol blesing we oli save kamaot taem yumi prij long sapa?

WIK WE I STAT LONG 15 OKTOBA

Singsing 101 Mo Prea

◻ Baebol Stadi Blong Kongregesen:

gt japta 110 (30 minit)

◻ Skul Blong Trenem Yumi Blong Tij:

Baebol riding: Daniel 10-12 (10 minit)

N. 1: Daniel 11:15-27 (no bitim 4 minit)

N. 2: ?From Wanem Ol Kristin Oli No Givimbak Nogud Fasin Blong Narafala?—Rom 12: 18-21 (5 minit)

N. 3: ?I Gat Sam Man Blong God Long Evri Skul We Oli Talem Se Oli Kristin?—rs-E pej 283 ¶1-3; rs-F pej 272 ¶4-pej 273 ¶2 (5 minit)

◻ Miting Blong Kingdom Wok:

Singsing 106

10 minit: Sipos Man i Talem Se 'Mi Mi No Intres.' Tok wetem sam kwestin mo ansa we i stanap long smol buk ya *Statem Wan Storian*, pej 11 haf 1 kasem haf 7. Yu tokbaot sam long ol ansa we i stap long smol buk ya, mo sam narafala ansa we i wok gud long ples blong yumi. Askem long tu pablica blong tufala i soemaot tu rod blong ansa long man we i talem tok ya.

20 minit: "Yu Yusum Ol Traket Blong Talemaot Gud Nius." Kwestin mo ansa. Long haf 5, tokbaot kwiktaem ol traket we yumi seremaot long manis Novemba, mo yu soemaot olsem wanem blong seremaot wan long ol traket ya. Long haf 7, yu soemaot olsem wanem blong yusum traket taem yu tekem janis blong prij.

Singsing 97 Mo Prea

Yu Yusum Ol Traket Blong Talemaot Gud Nius

¹ Longtaem finis i kam, ol man blong Jehovah oli yusum ol traket we oli stanap long Baebol, blong talemaot gud nius. Long yia 1880, C.T. Russell mo ol fren blong hem oli wokem ol traket we nem blong olgeta *Bible Students' Tracts*. Oli givim ol traket ya long ol man we oli ridim *Wajtaoa*, blong oli givimaot long eni man we oli faenem. Long taem ya, ol man blong God oli tinghae long ol traket. Ale long yia 1884,

1. ?Ol man blong God oli yusum ol traket olsem wanem?

C.T. Russell i rejistarem nem blong wan kampani we i no blong winim mane, be i blong givhan blong mekem wok blong Kingdom i go moa. Long taem ya nao, hem i ademap toktok ya "traket" (*Tract*) long nem blong kampani ya. Ful nem blong kampani ya, hemia *Zion's Watch Tower Tract Society*, we tede i kam *Watch Tower Bible and Tract Society of Pennsylvania*. Bifo long yia 1918, ol Baebol studen oli seremaot bitim 300 milian traket. Tede yet, ol traket oli ol gudfala tul we yumi save yusum blong talemaot gud nius.

2 ?From Wanem Oli Wok Gud?:

Ol traket oli gat plante kala long olgeta mo oli pulum ae blong ol man isi nomo. Ol toktok insaed oli sot nomo, oli pulum tinging blong man, mo oli givim save long man. Man we i fraet blong ridim magasin no buk, i glad moa blong ridim traket. I isi nomo long ol niufala pablica mo ol pikinini blong seremaot ol traket. Mo tu, i isi blong yumi karem ol traket ya from we oli smol nomo.


³ Plante brata mo sista oli kasem save long trutok taem oli ridim wan traket. Wan woman long Haiti i luk wan long ol traket blong yumi long rod. Hem i pikimap traket ya, i ridim, mo i talem se: "!Mi faenem trutok!" Biaen, hem i go long ol miting long Haos Kingdom, i stadi Baebol, mo i tekem baptaes. Samting ya i hapen from paao blong Tok blong God we i stap insaed long traket ya.

⁴ **Long Ol Haos Wanwan:** Yumi save yusum ol traket blong talemaot gud nius, from we oli wok gud. Taswe bambae yumi seremaot olgeta long manis Novemba, mo long sam narafala manis bakegen. Yumi wantem givimaot long ol man. Be i no hemia nomo, yumi wantem yusum olgeta tu blong statem storian wetem ol man. Si-

2. ?From wanem ol traket oli wok gud?

3. Yu tokbaot stori blong yu, no stori we i stap long haf ya, we i soemaot se ol traket oli wok gud.

4. ?Long manis blong seremaot ol traket, yumi wantem blong mekem wanem?



pos man we yumi prij long hem no we yumi visitim i wantem save moa, yumi save soemaot long hem olsem wanem yumi mekem Baebol stadi wetem buk ya *Baebol Tijim*, no wan nrafala buk we yumi yusum blong stadi wetem ol man. ?Yumi save seremaot traket long ol haos wanwan olsem wanem? I gat plante defdefren traket, taswe yumi mas save gud olgeta we yumi wantem seremaot long ol man.

⁵ Fastok mo storian blong yumi i mas laenap wetem ol man long ples blong yumi mo wetem traket we yumi wantem seremaot. Long stat, yumi givim traket long man blong haos. Maet naesfala pi ja long fas pej i pulum tingting blong hem. Sipos no, yumi save soemaot plante defren traket long hem, mo yumi talem long hem blong i jusum wan we hem i laekem. Taem yumi prij long ol ples we ol man oli fraet blong openem doa long ol strenja, yumi save leftemap traket ya blong man i luk fas pej blong hem. Maet yumi askem long hem sipos yumi save pusum traket ya i go aninit long doa, mo biaen yumi askem long hem blong i talem tingting blong hem long traket ya. Sipos stamba tok blong traket ya i wan kwestin, yumi save askem long hem blong i talem tingting blong hem long kwestin ya. Sipos no, yumi nomo yumi askem wan kwestin we i save pulum tingting blong hem, blong hem i storian wetem yumi. Biaen, yumi save ridim wan haf blong traket ya, mo taem i gat sam kwestin, yumi save spel smol mo yumi askem long man blong i talem tingting blong hem. Yumi save ridim ol stamba vas stret long Baebol blong yumi. Afta we yumi tokbaot sam haf blong traket ya finis, yumi save finisim storian ya mo yumi mekem plan blong gobak luk hem. Sipos long kongrege sen blong yumi, yumi stap lego ol buk long ol haos we i no gat man long olgeta, yumi save lego wan traket. Be yumi putum traket ya long wan ples we ol man long rod oli no save luk.

⁶ **Yumi Prij Long Ol Man Long Rod:** ?Olsem wanem? ?Yu yu yusum ol traket finis blong prij long ol man long rod? Sam man oli hareap tu mas, mo oli no wantem stop blong storian we-

5. ?Yumi save seremaot ol traket long ol haos wanwan olsem wanem?

6. ?Yumi save seremaot ol traket long ol man long rod olsem wanem?

tem yumi. Maet i no isi blong yumi luksave si pos oli intres. Long taem olsem, yumi no givim aot ol niufala magasin long olgeta, from we yumi no save se bambae oli ridim olgeta no nogat, be i gud blong givim wan traket nomo. Pi ja we i stap long fas pej blong traket i save pulum tingting blong man, mo toktok insaed i sot nomo, taswe maet ol man oli glad blong ridim taem oli gat smol taem. Be sipos yumi luk se ol man we oli wokbaot long rod oli no hareap, yumi save tokbaot sam haf blong traket wetem olgeta.

⁷ **Yumi Tekem Janis Blong Prij:** I isi blong yumi seremaot traket taem yumi tekem janis blong prij. Taem wan brata i goaot long haos blong hem, hem i tekem sam traket mo i fulumap olgeta long poket blong sot blong hem. Si pos hem i mitim wan man, olsem man we i wok long stoa, hem i talem long man ya se hem i wantem givim wan samting long hem blong i ridim, ale i givim traket long hem. Wan man mo woman blong hem, tufala i go long New York City blong spel. Tufala i kasem save se bambae tufala i mitim plante man we oli kam long ol defdefren kanttri. Ale tufala i tekem smol buk ya *Good News for All Nations*, wetem plante traket we oli stap long defdefren lanwis. Biaen, taem tufala i harem wan man we i stap salem samting long

saed blong rod, i toktok nrafala lanwis, tufala i givim wan traket long hem long lanwis blong hem. Tufala i mekem sem mak long man we i sidaoon klosap long tufala long ples blong spel, mo long restoror.

⁸ **Yu Sakem Sid Long Garen Blong Yu:** Ol traket oli sem mak long ol sid. Wan man blong mekem garen i sakem ol sid olbaot long garen blong hem, from we hem i no save weswan bambae i gru. Prija 11:6 i talem se: "Yu mas planem ol kakae long garen blong yu long moning, mo long sapa tu, from we yu no save weswan bambae oli gru gud. Maet olgeta evriwan oli karem gudfala kakae, no narawan nomo i karem, narawan i no gat." Taswe, i gud yumi gohed blong givimaot save we i "tijim ol nrafala man," taem yumi yusum tul ya we i wok gud long wok blong prij.—Prov. 15:7.

7. Yu talem sam stori we i soemaot rod blong serem aot ol traket taem yumi tekem janis blong prij.

8. ?Long wanem rod ol traket oli sem mak long ol sid?

**Yumi save yusum ol traket
blong talemaot gud nius,
from we oli wok gud. Taswe
bambae yumi seremaot olgeta
long manis Novemba, mo long
sam nrafala manis bakegen**

WIK WE I STAT LONG 22 OKTOBA

Singsing 71 Mo Prea

❑ Baebol Stadi Blong Kongregesen: gt japta 111 (30 minit)

❑ Skul Blong Trenem Yumi Blong Tij:

Baebol riding: Hosea 1-7 (10 minit)

N. 1: Hosea 6:1–7:7 (no bitim 4 minit)

N. 2: ?Wanem i Makemaot Ogenaessen Blong Jehova Long Wol?—rs-E pej 283 ¶4–pej 284 ¶2; rs-F pej 273 ¶3-9 (5 minit)

N. 3: Yumi Folem Fasin Blong Jisas We i No Tingbaot Sem We Hem i Kasem—Hib. 12:2 (5 minit)

❑ Miting Blong Kingdom Wok:

Singsing 130

30 minit: DVD Ya “Young People Ask—How Can I Make Real Friends?” Kwestin mo ansa. Yusum fas haf blong mekem wan sot fastok, mo yusum las haf blong mekem wan sot lastok.

Singsing 89 Mo Prea

DVD Ya “Young People Ask—How Can I Make Real Friends?”

Jehova i mekem ol man blong oli wok wamples mo oli fren gud. (Prov. 17:17; 18:1, 24) Be sipos yumi wantem se yumi mo ol fren blong yumi, yumi givgivhan long yumi, yumi mas jusum gud ol fren blong yumi. (Prov. 13:20) Afta we yu wajem DVD ya *Young People Ask—How Can I Make Real Friends?*, yu traem ansa long ol kwestin ya.

Fas Haf:

(1) ?Wan tru fren i olsem wanem?

Ol Samting We i Blokem Yu Blong No Fren Wetem Narafala:

(2) ?Yumi save mekem wanem blong winim tingting ya se ol narafala oli no tingbaot yumi mo yumi no gat fren? (Fil. 2:4) **(3)** ?From wanem yumi mas

rere blong kamgud moa long fasin blong yumi, mo hu i save halpem yumi blong mekem olsem? (2 Kor. 13:11) **(4)** ?Yumi save mekem wanem blong yumi gat plante moa fren?—2 Kor. 6:13, NW.

Fren Wetem God:

(5) ?Yumi save mekem wanem blong yumi fren moa wetem Jehova, mo from wanem traehad we yumi mekem i no blong nating? (Sam 34:8) **(6)** ?Taem Jehova i kam bes fren blong yumi, yumi save fren wetem ol man olsem wanem?

Ol Fren We Oli No Stret:

(7) ?Hu ya ol fren we oli no stret? (1 Kor. 15:33) **(8)** ?Ol nogud fren oli save mekem wanem blong pulum wan Kristin blong i no moa fren gud wetem God?

Wan Stori We Oli Aktem:

(9) ?Yumi lanem wanem long stori blong Daena long Baebol? (Jen. 34:1, 2, 7, 19) **(10)** ?Tara i taalem wanem blong mekem eskius from fasin blong hem blong joen wetem ol yangfala blong wol? **(11)** ?Ol fren blong skul oli pulum Tara, nao klosap hem i kasem wanem trabol? **(12)** ?From wanem papa mo mama blong Tara, tufala i no luksave se hem i stap long denja? ?Mo tufala i givhan olsem wanem long hem, blong bilif blong hem i kam strong bakegen? **(13)** ?Wan sista we i paenia i soemaot olsem wanem se hem i wan tru fren blong Tara? **(14)** ?Tara i lanem wanem?

Las Haf:

(15) ?Yu yu lanem wanem long DVD ya? **(16)** ?Yu save yusum DVD ya olsem wanem blong halpem ol narafala?

I gud we yumi jusum ol fren we bambae oli givhan long yumi blong fren gud wetem Jehova oltaem. !Hem i besfren we yumi save gat!—Sam 15:1, 4; Aes. 41:8.

WIK WE I STAT LONG 29 OKTOBA

Singsing 13 Mo Prea

❑ Baebol Stadi Blong Kongregesen:

gt japta 112 (30 minit)

❑ Skul Blong Trenem Yumi Blong Tij:

Baebol riding: Hosea 8:14 (10 minit)

Tingtingbak Long Ol Poen Blong Skul Blong Trenem Yumi Blong Tij (20 minit)

❑ Miting Blong Kingdom Wok:

Singsing 108

15 minit: "Yu Save Mekem Wanem Blong Yu Harem Gud Long Grup Blong Wok Blong Prij." Kwestin mo ansa. Taem yu tokbaot bokis long pej 6, yu askem kwestin smoltaem long wan brata no sista we miting blong prij i stap long haos blong hem. ?Hem i mekem olsem wanem blong i save gat miting blong prij long haos blong hem evri wik? ?From wanem hem i harem gud long blesing ya?

15 minit: "Faef Rod Blong Faenem Wan Baebol Stadi." Kwestin mo ansa. Afta we yu tokbaot haf 6, yu askem long ol publisa we oli gat wan stadi we i gohed gud, blong oli talemaot glad we oli kasem long wok ya.

Singsing 122 Mo Prea

Tingtingbak Long Ol Poen Blong Skul Blong Trenem Yumi Blong Tij

Long wik we i stat long 29 Oktoba 2012, bambae yumi tingtingbak long ol samting we yumi lanem. Dei we i stap long braket i blong givhan long yu blong lukaot moa save taem yu rerem skul evri wik.

1. ?Olta ya we Esikel i luk long vison blong hem, i pijsa blong wanem? (Esik. 43:13-20) [10 Sep., w07 1/8 pej 20 haf 5]
2. ?Wota blong reva we Esikel i luk long vison blong hem i pijsa blong wanem samting? (Esik. 47:1-5) [17 Sep., w07 1/8 pej 21 haf 3]
3. ?Tok ya se "tingting blong Daniel i strong," i soemaot wanem tijing we Daniel i kasem taem hem i pikinini? (Dan. 1:8) [24 Sep., w07 1/9 pej 21 haf 2]
4. ?Bigfala tri ya we Nebukadnesa i luk long drim blong hem, i pijsa blong wanem?

(Dan. 4:10, 11, 20-22) [1 Okt., w07 1/9 pej 20 haf 5]

5. ?Ol tok blong Daniel 9:17-19 i tijim wanem long saed blong prea? [8 Okt., w07 1/9 pej 22 haf 5]
6. ?Wanem kontrak ya we God 'i holem wetem plante man mo we i stap yet' kasem en blong ol 70 wik blong yia no 36 K.T.? (Dan. 9:27, NW) [8 Okt., w07 1/9 pej 22 haf 3]
7. ?Yumi lanem wanem long tok blong enjel ya we i talem long Daniel se "rabis enjel ya we i stap lukaot long ol man Persia" i stap agens long hem? (Dan. 10:13) [15 Okt., w11 1/10 pej 8 haf 1-2]
8. ?Wanem profet tok long saed blong Messaea i kamtru, we i laenap wetem Daniel 11:20? [15 Okt., w08 1/3 pej 30 haf 7]
9. ?Folem ol tok blong Hosea 4:11, wanem wan long ol denja we i save kamaot taem man i dring bitim mak? [22 Okt., w10 1/2 pej 4-5]
10. ?Wanem impoten samting we yumi lanem long Hosea 6:6? [22 Okt., w07 1/10 pej 14 haf 7; w05 15/11 pej 24 haf 11-12]

?Yu Save Mekem Wanem Blong Yu Harem Gud Long Grup Blong Wok Blong Prij?

¹ ?Yu yu sore from we sam samting long Buk Stadi Blong Kongregesen, i no moa gat? Fastaem, grup blong buk stadi i smol nomo mo evriwan we oli joen oli harem gud, oli no fraet. Samting ya i mekem se i isi nomo blong oli fren gud wetem ol narafala, mo hemia i lef-temap tingting blong olgeta. (Prov. 18:24) Elda we i lukaot long buk stadi, i savegud evriwan we i joen, mo hem i save givim gudfala advaes blong lef-temap tingting blong olgeta. (Prov. 27:23; 1 Pita 5:2, 3) Yumi save kasem ol gudfala samting ya yet taem yumi joen long grup blong prij.

1. ?Wanem gudfala samting long buk stadi we i stap yet long grup blong wok blong prij?

² Yu No Wet: Long grup blong wok blong prij, i gat smol man nomo olsem long ol buk stadi. Taem yumi wok wetem ol narafala “olsem wan tim nomo,” yumi save fren gud moa. (Fil. 1:27) ?Hamas brata sista long grup blong yu we yu prij wetem olgeta finis? ?Yu yu save “go moa” blong prij wetem ol narafala? (2 Kor. 6:13, NW) Samtaem i gud we yumi singaot wan brata no sista long grup blong yumi, blong i kam joen wetem yumi long naet blong Famle Wosip, no blong kakae. Long sam kongregesen, oli mekem plan se wanwan grup blong wok blong prij i singaot brata we i kam givim tok long kongregesen blong olgeta, blong i kam kakae wetem olgeta. Ale, taem wan brata i kam givim tok, grup we i save se i taem blong hem, bambae i rerem kakae. Biaen, evri wan long grup ya i joen wamples blong kakae mo oli storian blong lefletemap tingting blong olgeta. Oli mekem olsem tu, nating se brata we i mas givim tok i no kam.

³ Nating se naoia yumi joen wamples tu taem nomo long wan wik, be hemia i no min se ol elda oli no moa visitim ol pablisa wanwan. Ol elda we oli lukaot long ol grup wanwan, oli leftemap tingting blong ol pablisa long grup blong olgeta, mo oli trenem olgeta long wok blong prij. Sipos elda we i lukaot long grup blong yu, i no prij wetem yu yet, i gud yu go askem long hem blong yu wok wetem hem. Long wan wiken blong evri manis, elda we i lukaot long wok blong prij i joen long wan defren grup blong prij. Long ol smol kongregesen we i no gat tumas grup blong wok blong prij, hem i save mekem plan blong visitim wanwan grup ya, tu taem long wan yia. ?Yu yu mekem plan finis blong yu go long wok blong prij long taem we hem i visitim grup blong yu?

⁴ Taem i gat ol defren grup blong prij long wiken, plante taem samting ya i gud from we oli mekem miting blong prij long ol defdefren ples mo klosap long sem taem. Olsem nao, i isi long ol pablisa blong oli joen long miting ya

2. ?Yumi save mekem wanem blong yumi fren moa wetem ol narafala long grup blong yumi?
3. ?Long grup blong yumi, wanem ol janis we yumi gat blong ol elda oli save visitim yumi?
4. (1) ?Olsem wanem blong mekem ol miting blong prij? (2) ?From wanem i gud we yumi tingbaot blong letem se oli yusum haos blong yumi, blong mekem miting blong prij?

mo blong oli go long teritori. Mo i isi blong brata we i lidim grup blong i seraotem ol pablis-a, nao oli save go long ples blong prij kwik-taem. Mo hem i save kea gud long ol brata sista long grup blong hem. Be, maet sam samting i hapen we i mekem se tu grup i mas joen tu-geta blong wok blong prij. Sipos ful kongrege-sen i joen wamples blong mekem miting blong prij long fas Sareda blong manis no afta long *Wajtaoa* stadi, plante taem i gud we ol pablis-a blong wan grup, oli sidaon wamples. Olsem nao, ol elda wanwan oli save seraotem ol man long prapa grup blong olgeta, bifo we oli fini-sim miting blong prij wetem wan prea.—Yu luk-luk bokis ya “?Yu Yu Wantem Blong Oli Yusum Haos Blong Yu?”

⁵ Nating se yumi no moa gat Buk Stadi Blong Kongregesen, be Jehova i gohed blong givim evri samting we yumi nidim blong mekem wok blong hem. (Hib. 13:20, 21) God i lukaotgud long yumi, taswe yumi no sot long wan samting. (Sam 23:1) I gat plante blesing we yumi save kasem long grup blong wok blong prij. Si-pos yumi no wet, be yumi joen oltaem wetem grup blong yumi, bambae yumi “kasem plan-te” blesing.—2 Kor. 9:6.

5. Nating se yumi no moa gat Buk Stadi Blong Kongregesen, ?yumi save sua fulwan long wanem samting?

?Yu Yu Wantem Blong Oli Yusum Haos Blong Yu?

Long sam kongregesen, moa long wan grup blong wok blong prij i joen wamples long wiken blong mekem miting blong prij. Hemia from we oli no gat ples blong mit long hem. Ol miting blong wok blong prij oli ol narafala haf blong ol wok blong kongregesen, taswe i wan blesing long samfa-la we miting ya i stap long haos blong olgeta. ?Yu yu wantem blong oli yusum haos blong yu? Yu no mas wari se haos blong yu i no naes tumas. Ol elda bambae oli tingbaot ples we yu stap long hem mo sam narafala samting olsem, sem mak olsem taem oli jusum wan ples we buk stadi i stap long hem. Sipos yu wantem se oli yusum haos blong yu, i gud yu talem long elda we i lukaot long grup blong yu.

Faef Rod Blong Faenem Wan Baebol Stadi

¹ ?Yu yu harem se i had blong faenem wan man we yu save stadi Baebol wetem hem? Yu mas go-hed blong traehad. Jehova i blesem olgeta we oli no slak blong mekem wok blong hem. (Gal. 6:9) Ol haf we oli kam biaen, oli soemaot faef samting we i save givhan long yu.

² **Yu Askem Stret Long Man:** Plante man oli save se yumi stap seremaot ol *Wajtaoa mo We-kap!*, be maet oli no save se yumi stapmekem Baebol stadi tu wetem ol man. Taem yumi prij long ol haos wanwan, i gud blong askem stret long man sipos hem i wantem stadi long Baebol. Yu save askem tu long ol man we yu stap visitim, sipos oli wantem stadi long Baebol. Sipos oli no wantem, yu save gohed blong givim ol magasin long olgeta, mo yu givhan long olgeta blong oli wantem save moa. Plante yia finis, wan brata i mekem rod magasin long wan man mo woman blong hem. Wan dei, brata ya i go givim ol niufala magasin long tufala, mo taem hem i wantem aot, wan tingting i kasem hem, nao i askem long tufala se: “?Yutufala i wantem stadi long Baebol?” Brata ya i sraaes bigwan taem tufala i talem yes. Naoia, tufala i baptas finis.

³ **Oi Man We Oli Stap Kam Long Miting:** Yu no mas ting se ol niuwan we oli kam long ol miting, olgeta evriwan oli stadi Baebol finis. Wan brata i talem se: “Bighaf blong ol stadi blong mi, hemia olgeta we mi mitim olgeta long ol miting.” Wan sista i storian wetem wan woman we i stap semsem. Ol gel blong woman ya oli Witnes. Woman ya i stap kam long ol miting klosap 15 yia finis, mo oltaem hem i kam long Haos Kingdom long stret taem we miting i stat, mo i aot jes afta we miting i finis. Woman ya i glad blong stadi long Baebol mo biaen hem i kam long trutok. Sista ya i talem se: “!Mi sore we mi wet 15 yia blong askem long hem sipos hem i wantem stadi Baebol!”

⁴ **Yu Askem Long Baebol Studen Sipos Hem i Save Samfala We i Wantem Stadi:** Wan sista i glad tumas blong folem ol nrafala pablisa taem

1. ?Sipos i had blong faenem wan Baebol stadi long ples blong yumi, yumi mas mekem wanem, mo from wanem?

2. ?Yumi save mekem wanem blong askem stret long man sipos hem i wantem stadi long Baebol?

3. ?I stret blong ting se evri man we i stap kam long ol miting, oli stadi Baebol finis wetem wan Witnes?

Yu eksplenem.

4. ?Wanem wan nrafala rod blong faenem stadi?

oli go blong mekem Baebol stadi blong olgeta. Long en blong stadi, hem i askem long studen si-pos hem i save samfala we i wantem stadi. Be fastaem, sista ya i askem long tija blong studen ya si-pos i oraeat blong hem i askem kwestin ya long studen. Taem yu givim buk ya *Baebol Tijim* long wan man we yu stap visitim, maet yu save askem se: “?Yu yu save sam man we oli glad blong kasem wan buk olsem tu?” Samtaem, sam samting i blo-kem ol pablisa mo ol paenia blong oli mekem stadi blong man. Taswe, yu mas mekem ol nrafala oli save se yu yu rere blong mekem wan Baebol stadi.

⁵ **Man No Woman Blong Wan Witnes:** Long kongregesen blong yu, ?i gat ol pablisa we man no woman blong olgeta i no Witnes? Samfala oli no laekem we man no woman blong olgeta we i Witnes, i tokbaot Baebol long olgeta. Be oli glad sipos wan nrafala i stadi wetem olgeta. Plante taem, i gud blong storian wetem brata no sista fastaem, bifo we yumi toktok wetem man no woman blong hem we i no Witnes.

⁶ **Prea:** Yu no mas ting se prea i no gat paoa. (Jem. 5:16) Jehova i promes blong lesin long ol prea blong yumi taem oli laenap wetem tingting blong hem. (1 Jon 5:14) Wan brata we i bisi gud, i stat blong prea long Jehova blong i save gat wan Baebol stadi. Woman blong hem i no save sipos man blong hem bambae i gat inaf taem blong lukaotgud long wan stadi, speseli sipos stadi ya i gat plante problem. Ale, hem talemaot wari blong hem long Jehova, mo i prea tu blong man blong hem i save faenem wan stadi. Klosap tu wik biaen, tufala i kasem ansa blong prea blong tufala. Wan paenia long kongregesen blong tufala i faenem wan man we i wantem stadi, nao i askem long brata ya blong i mekem stadi blong man ya. Woman ya i raetem se: “Yufala we i harem se yufala i no save mekem wan Baebol stadi, from we yufala i ting se bambae yufala i no save lukaotgud long hem, mi mi wantem talem long yufala se: Sipos yufala i wantem gat wan Baebol stadi, yufala i mas talemaot long Jehova, mo yufala i mas prea oltaem long saed ya. Mitufala i harem gud bitim mak. Mi neva tingbaot se bambae mitufala i harem gud olsem.” Sipos yu gat longfala tingting, bambae yu tu yu save faenem wan Baebol stadi mo kasem glad ya taem yu givhan long hem blong i folem ‘rod we i blong go kasem laef.’—Mat. 7:13, 14.

5. ?From wanem i gud we yumi askem long man no woman blong wan Witnes, sipos hem i wantem stadi long Baebol?

6. ?Taem yu traehad blong faenem wan Baebol stadi, prea i givhan olsem wanem?

WIK WE I STAT LONG 5 NOVEMBA

Singsing 115 Mo Prea

❑ Baebol Stadi Blong Kongregesen: gt japta 113 (30 minit)

❑ Skul Blong Trenem Yumi Blong Tij:

Baebol riding: Joel 1-3 (10 minit)

N. 1: Joel 2:17-27 (no bitim 4 minit)

N. 2: ?Wanem Sam Samting We Yumi Save Mekem Blong Folem Ol Proverb 22:3? (5 minit)

N. 3: ?Yumi Mekem Wanem Blong Gat Respek Long Ogenaesesen Blong Jehova? –rs-E pej 284 ¶3-7; rs-F pej 274 ¶1-5 (5 minit)

❑ Miting Blong Kingdom Wok:

Singsing 86

10 minit: Ol Woman We Oli Talemaot Gud Nius Oli Wan Bigfala Ami. (Sam 68: 11, NW) Tok wetem sam kwestin mo ansa we i stanap long 2012 Yearbook, pej 117, haf 2, kasem pej 118, haf 2; mo pej 130, haf 1, kasem pej 131, haf 2. Askem long ol man se oli lanem wanem long ol stori ya.

10 minit: Lokol nid.

10 minit: Sam Tingting Blong Seremaot Magasin Long Manis Blong Novemba. Tok wetem sam kwestin mo ansa. Long wan minit, tokbaot sam haf long ol magasin we oli save pulum tingting blong ol man. Biaen, jusum ol fas stori long *Wajtaoa*, mo askem long ol brata mo sista blong oli talem sam kwestin we i save pulum tingting blong man, mo wanem vas we oli save yusum. Mekem sem mak wetem ol fas haf blong *Wekap!* Sipos i gat taem, yu save tokbaot wan narafala haf long *Wajtaoa* no *Wekap!* Askem long tu brata mo sista blong soem-aot olsem wanem blong seremaot tufala magasin ya.

Singsing 105 Mo Prea

Advaes

■ **Oktoba:** *Wajtaoa* mo *Wekap!* Taem yu go luk man bakegen, yu save givim buk ya *Baebol Tijim* mo yu traem statem Baebol stadi.

Sipos no, yu save yusum buklet ya *Yu Mas Lesin Long God Nao Bambae Yu Laef Olwe*.

Novemba Mo Disemba: Yu save seremaot wan long ol traket ya: ?*Yu Yu Wantem Save Trutok?* ?*Yu Yu Gat Wan Spirit We i No Save Ded Samtaem?* ?*Olsem Wanem Long Ol Fren Blong Yumi We Oli Ded?* !*Klosap Nao Fasin Safa Bambae i Finis!* Sipos man i wantem save moa, yu save soemaot long hem olsem wanem blong mekem Baebol stadi long buk ya *Baebol Tijim* no long buklet ya *Yu Mas Lesin Long God Nao Bambae Yu Laef Olwe*. **Jenuware:** Yu save yusum eniwan long ol buklet ya we i gat 32 pej blong hem: ?*Wanem Bambae i Hapen Long Yumi Taem Yumi Ded?*, *Taem Wan We Yu Laekem Hem Tumas i Ded, Speret blong ol Dedman—?Oli Save Halpem Yu No Spolem Yu? Oli Rili Stap?, !*Yu Save Kam Fren Blong God!* Taem yu go luk man bakegen, yu traem statem wan Baebol stadi long buk ya *Baebol Tijim*. Sipos no, yu save yusum buklet ya *Yu Mas Lesin Long God Nao Bambae Yu Laef Olwe*.*

Ol Fastok

WAJTAOA 1 Novemba

Mifala i kam luk yu tede from we planete man oli wari long saed blong kruked fasin we i stap kam antap bigwan long ol bises mo long gavman tu. ?Yu ting se i gat rod blong stretem problem ya? [Letem man i ansa.] Yu traem luk wanem we Jisas bambae i mekem long ol man we oli harem nogud from ol krucked fasin we ol narafala oli stap mekem. [Ridim Ol Sam 72:12-14.] *Wajtaoa* ya i soemaot se krucked fasin bambae i finis olsem wanem.”

Wekap! Oktoba-Disemba

“Sipos yu naf blong jenisim wan samting long wol ya, ?weswan samting bambae yu jenisim? [Letem man i ansa.] Baebol i soemaot from wanem ol man oli no naf blong mekem ol samting we oli ting se oli save mekem. [Ridim Jeremaea 10:23.] *Wekap!* ya i eksplenem samting we God i wantem jenisim.” Yu soem haf we i stap long pej 26.